



Sud Bosne i Hercegovine
Суд Босне и Херцеговине

Broj: S1 3 IŽ 038406 20 IŽ
Sarajevo, 30.10.2020.godine

Sud Bosne i Hercegovine u Sarajevu, u Apelacionom upravnom vijeću, sastavljenom od sudija Vesne Trifunović, kao predsjednika vijeća, Mirsade Džindo i Srete Crnjak, kao članova vijeća, odlučujući o žalbi Danke Vasiljević, Toplik 1, Vlasenica, izjavljenoj protiv odluke Centralne izborne komisije Bosne i Hercegovine, broj: 05-1-07-1-998/20 od 01.10.2020.godine, u nejavnoj sjednici, održanoj dana 30.10.2020.godine, donio je

R J E Š E N J E

Žalba se odbija

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, podnosiocu žalbe odbijen je upis u izvod iz Centralnog biračkog spiska za glasanje izvan BiH za Lokalne izbore 2020. godine, za ukupno 27.960 birača po prijavama podnesenim do 01.09.2020. godine.

Protiv ove odluke žaliteljica je blagovremeno uložila žalbu u kojoj navodi da se uredno prijavila da glasa izvan BiH, na adresu Gospodarska broj14, Beograd – Zemun, te da je skunuta sa spiska glasača izvan BiH. Moli da glasa na pomenutoj adresi.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana.

Ispitujući ožalbenu odluku u okviru žalbenih navoda vijeće je zaključilo da žalba nije osnovana.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Prilikom razmatranja prijave Danke Vasiljević, za glasanje izvan BiH- Lokalni izbori 2020. godine (PRP-1) dostavljene dana 29.08.2020. godine putem e maila jelenajela036@gmail.com od strane Centralne izborna komsija BiH je utvrđeno da je za žaliteljicu priložena kopija pasoša izdatog u diplomatsko-konzularnom predstavništvu BiH u Beču niti se nalazi u bazi podataka sačinjenoj prema popisu

stanovništva u BiH iz 1991. godine. Postupajući po navedenoj prijavi, Centralna izborna komisija BiH je utvrdila da žaliteljica nije upisana u Centralni birački spisak.

Odredbom člana 20.8 stav (5) propisano je da sve dok Visoki predstavnik ili Parlamentarna skupština BiH ne odluče drugačije, a u skladu sa stavom (7) ovog člana, državljanin BiH koji ima status izbjeglog lica i koji ima biračko pravo, ima pravo da se upiše u Centralni birački spisak i da glasa lično ili poštom za općinu u kojoj je imao prebivalište prema posljednjem popisu stanovništva koji je izvršila država Bosna i Hercegovina, osim u slučaju kada to lice može predočiti dokaz o promjeni prebivališta u skladu sa zakonom u periodu od posljednjeg popisa stanovništva koji je izvršila država Bosna i Hercegovina do trenutka kada je steklo status izbjeglog lica, dok je u stavu (6) istog člana propisano da državljanin BiH, koji ima status izbjeglog lica i ima biračko pravo u skladu s ovim članom, bit će registrovan u izvod Centralni birački spisak za općinu u kojoj je imao prebivalište prema posljednjem popisu stanovništva koji je izvršila država Bosna i Hercegovina, osim u slučaju kada može predočiti dokaz o promjeni prebivališta u skladu sa zakonom u periodu od posljednjeg popisa stanovništva koji je izvršila država Bosna i Hercegovina do trenutka kada je steklo status izbjeglog lica. Odredbom člana 1.4 Izbornog zakona BiH je propisano da svaki državljanin Bosne i Hercegovine (u daljem tekstu: državljanin BiH) sa navršениh 18 godina života ima pravo da glasa i da bude biran (u daljem tekstu: biračko pravo), u skladu s odredbama ovog Zakona. Da bi ostvario svoje biračko pravo, državljanin mora biti upisan u Centralni birački spisak, u skladu s ovim Zakonom.

Obzirom da žaliteljica nije upisana u Centralni birački spisak pored toga što je uz svoju prijavu za glasanje izvan BiH dostavila valjan dokaz o identitetu, da bi bila upisana u izvod iz Centralnog biračkog spiska za glasanje izvan BiH bila je dužna da dostavi i valjan dokaz o prebivalištu (lična karta BiH ili potvrda o prebivalištu u BiH), što nije učinila, zbog čega je Centralna izborna komisija BiH pravilno postupila i njenu prijavu odbila.

U konkretnom slučaju Danke Vasiljević je mogla putem info linije Centralne izborne komisije BiH informisati se o statusu njene prijave za glasanje izvan BiH i na taj način nedostatak koji se ogleda u činjenici da nije dostavljen dokaz o prebivalištu otkloniti. Žaliteljica u ostavljenom roku nije otklonila nedostatak tj. nije dostavila sve potrebne i propisane podatke, tj. validan dokaz o prebivalištu koji bi potvrdio da su ispunjeni uslovi da se u smislu odredbe člana 5.12 stav (4) Izbornog zakona BiH nađe na izvodu iz Centralnog biračkog spiska za glasanje van BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81 stav 1 Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Predsjednik vijeća
S u d i j a
Vesna Trifunović